

29. maí 1984

389

Nr. 257

REGLUGERÐ

um hámark eininga lyfjaávísana.

1. gr.

Óheimilt er að afhenda einstaklingi meira magn lyfs samkvæmt lyfseðli en sem nemur tveggja mánaða birgðum, miðað við notkunarfyrisögn læknis fyrir hverja afgreiðslu, (fastagjald) eins og hún er ákveðin hverju sinni samkvæmt reglugerðum um greiðslur almannatrygginga á lyfjakostnaði skv. 43. gr. almannatryggingalaga.

2. gr.

Reglugerð þessi, sem sett er með heimild í 43. gr. laga nr. 67/1971, um almannatryggingar, með síðari breytingum, öðlast gildi 1. júní 1984.

Heilbrigðis- og tryggingamálaráðuneytið, 29. maí 1984.

Matthías Bjarnason.

Páll Sigurðsson.

25. maí 1984

Nr. 258

REGLUGERÐ

um greiðslur sjúkratryggðra á sérfræðingshjálp í rannsóknum og röntgengreiningu.

1. gr.

Greiðslur samlagsmanna fyrir sérfræðingslæknishjálp, rannsóknir og röntgengreiningu, sem um ræðir í 43. gr. laga nr. 67/1971, skal vera sem hér segir:

1. Samlagsmaður skal greiða kr. 270 fyrir hverja komu til sérfræðings.
2. Samlagsmaður skal greiða fyrstu kr. 270 hverrar rannsóknar hjá rannsóknastofu eða sérfræðingi.
3. Samlagsmaður skal greiða fyrstu kr. 270 af kostnaði við hverja röntgengreiningu. Elli- og örorkulífeyrisþegar skulu greiða hálf gjald, þ. e. a. s. kr. 135 í hvert skipti, fyrstu 12 skiptin árlega, en síðan ekkert.

2. gr.

Allar greiðslur, sem um getur í 1. gr. skulu dragast frá umsömdu eða ákveðnu heildarverði á læknishjálpi, rannsóknum og röntngengreiningu, þegar reikningur er gerður til sjúkrasamlags fyrir þessa þætti.

3. gr.

Reglugerð þessi er sett skv. heimild í 43. gr. laga nr. 67/1971 um almannatryggingar til að öðlast gildi 1. júní 1984. Jafnframt fellur úr gildi reglugerð nr. 629/1983 með sama heiti.

Heilbrigðis- og tryggingamálaráðuneytið, 25. maí 1984.

Matthías Bjarnason.

Páll Sigurðsson.

REGLUGERÐ

um breytingu á reglugerð nr. 465/1983, skv. lögum nr. 95/1981, um Framleiðsluráð landbúnaðarins, verðskráningu, verðmiðlun og sölu á landbúnaðarvörum o. fl.

1. gr.

Í stað 1. og 2. mgr. 11. gr. komi málsgrein er orðist svo:

Innheimta skal tímabundið gjald af innfluttu kjarnfóðri við tollafgreiðslu. Á tímabilinu 1. júní til 31. desember 1984 skal gjald þetta vera 19,00% reiknað af innkaupsverði hinnar gjaldskyldu vöru. Innkaupsverð telst cif-verð vörunnar (tollverð) kominnar á innflutningshöfn.

2. gr.

Reglugerð þessi er sett skv. heimild í lögum nr. 95/1981, um Framleiðsluráð landbúnaðarins, verðskráningu, verðmiðlun og sölu á landbúnaðarvörum o. fl., og öðlast þegar gildi.

Ákvæði til bráðabirgða.

Á tímabilinu 1. júní til 31. desember 1984 skal Framleiðsluráð landbúnaðarins greiða til Áburðarverksmiðju ríkisins og þeirra sem eiga rétt á endurgreiðslu á áburðaverði skv. reglum sem landbúnaðarráðuneytið setur, 19%-stig af innheimtu kjarnfóðurgjaldi. Þó skal greiðsla þessi aldrei vera hærri en nemur 1 000 krónum af tonni af hverri kjarnfóðurtegund við hverja tollafgreiðslu. Hagstofa Íslands reiknar út við ákvörðun búvöruverðs á þessu tímabili, hverju áður nefnd 19%-stig nema í verði kjarnfóðurs, eftir þeim reglum sem Hagstofan áætlar kjarnfóðurverð við verðlagningu landbúnaðarafurða. Þessi hluti kjarnfóðurverðsins skal teljast með framleiðslukostnaði landbúnaðarafurða á áður nefndu tímabili og koma fram í afurðaverði.

Landbúnaðarráðuneytið, 30. maí 1984.

Jón Helgason.

Guðmundur Sigþórsson.